

U G O V O R

O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 17.05.2018. godine
između

1. **Visokoškolske ustanove Evropski univerzitet „Kallos“ Tuzla**, sa sjedištem u Tuzli, u ul. Maršala Tita 2A i 2B, čiji je zastupnik v.d. rektor akademik prof. dr. Nedeljko Stanković, s jedne strane (u daljem tekstu: Univerzitet) i
2. **JZU Dom zdravlja Živinice**, sa sjedištem u Živinicama, u ul. Alije Izetbegovića 17, čiji je zastupnik direktor prim.doc.dr.sci.Esed Omerkić, s druge strane (u daljem tekstu: Ustanova).

Član 1.

Ugovor je zaključen s ciljem međusobne saradnje ugovornih strana u okviru registrovane djelatnosti.

Član 2.

Ugovorne strane će nastojati da radi ostvarenja registrovanih djelatnosti, razvijaju međusobne veze prema principima zajedničkih interesa, kao i opšteg društvenog interesa.

Ugovorne strane će uložiti najveće i iskrene napore da se ovaj ugovor realizuje na akademskom nivou.

Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. podsticanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Član 5.

Ugovorne strane su saglasne da će Ustanova omogućiti obavljanje stručne prakse za studente Medicinskog fakluteta i Fakulteta zdravstvenih nauka.

Član 6.

Stručna praksa studenata u Ustanovi obavljaće se po utvrđenom nastavnom planu i programu na I, II i III ciklusa studija Medicinskog fakulteta i Fakulteta zdravstvenih nauka Univerziteta.

Član 7.

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti Ustanovi spiskove studenata.

Ustanova će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

Član 8.

Ustanova će studente Univerziteta blagovremeno, na primjeren način, upoznati sa propisanim kućnim redom.

Član 9.

Voditelja/mentora stručne prakse određuje Ustanova.

Član 10.

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi Ustanove ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine Ustanovi u toku obavljanja stručne prakse u prostorijama Ustanove.

Član 11.

Ovaj Ugovor zaključuje se na neodređeno vrijeme.

Svaka ugovorna strana ima pravo Ugovor otkazati, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor.

Član 12.

Ugovorne strane se obavezuju da na svojim web-stranicama istaknu logo druge ugovorne strane sa poveznicom na web-stranicu druge ugovorne strane.

Član 13.

Na sve odnose i institute koji nisu obuhvaćeni ovim Ugovorom, primjenjivat će se odredbe Zakona o obligacionim odnosima.


Član 14.

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.

Član 15.

Ugovorne strane će eventualne sporove rješavati sporazumno.

Za Univerzitet
REKTOR
Akademik prof. dr. Neseljko Stanković



Broj: 133-1/2018
Tuzla, 17.05.2018. godine

Za Ustanovu
DIREKTOR
prim.doc.dr.sci. Esed Omerkić



Broj: 03-5901/18
Živinice, 31.05.18.